



Grup Jogn de Badia: en dumènia, ai 02.12.2012, do les mësses, vèn i jogn te so local gherlandes d'Advënt.

Conzert: l'cor Mons Elina mèt a jì n conzert gospel en vëndres, ai 30.11.2012 dales 20:00 te dlìjia a Badia. Düc é dër bel invià.

Manifestaziun musicala: en ocasiun dl aniversar di 150 agn dala nasciüda dl poet ladin Angelo Trebo organisèia l'Museum Ladin Cíastel de Tor adüm al Consèi de Formaziun da La Pli na sèra musicala cun deplö musicisc d'la Val Badia. Düc é dër bel invià en sabeda, ai 01.12.2012 dales 16:00 tl salf dles Uniuns a La Pli (l'entrada é debann).

Referat: d'la Cassa Raiffeisen: "**Le turism tla Val Badia – analisa, trends y svilup**" en mertesc, ai 27.11.2012 dales 20:00 te Ciasa d'la Cultura a La Ila. Referènc é dr. Manfred Kohl y dr. Christoph Engl.

INFORMAZIUN - l'problem d'la lovina te curtina: l'invern é dan porta y cun èl inçe l'problem d'la lovina che vègn jö de tèt de dlìjia. Por evité l'plö poscibl che valgügn röies sot ite, gnaràl inçe chësc invern stlüt jö l'azès ales portes laterales cun transenes y les piceres portes restarà sarades canche al é nëi sön tèt.


La vita à massa n gran valur por la mèt tl prigo ma por orèi jì dal pice üsc ite; porchèl é düc perià de avèi comprenjiun y anuzé ma l'gran üsc canche al é nëi sön tèt.

Por evité dagns ales fosses, sciöche bel suzedü dan valgügn agn, é i familiars di defunc sopolis tla zona de prigo invià da tó demez les crusc tratan l'invern, inçe deache l'assicuraziun podess fà problems a paié l'dann. Sce valgügn adora na man da fà chësc, präibel l' lascè alsavèi te calonia. Les crusc po inçe gnì metüdes te majun de calonia tratan l'invern.

VANGELE d'la Dumènia che vègn. - 1° de Advënt – Ann "C"

Lüca 21, 25–28.34–36

Te chël tèmp à Gejù dit a sü discepui: Al apariarà sègns te sorèdl, tla löna y tles stères y söla tera sarà i popui plègns de tème y de spavènt por le rausciamènt y le drumblamènt dl mer. La jènt se desfantarà dala pôra, aspetan les cosses che vègn sura la tera: ciödiche les potènzes dl cil gnarà scassades decà. Spo odaran le Fi dl Om gnon te na nióra cun gran potènza y gloria. Canche döt chësc mèt man, spo derzesse sö y alzede le ce; deache osta salvèza é daimprò. Metede averda che inciocades y sboaciades y i fistidi da vignidé ne ves inciurnèsces nia y che chël dé ne ves tomes nia ados sciöche na tènora; deach'al gnarà sura düc i abitané de dōta la tera. Stede muntri y periede demeztrü, ch'i podèise ti sciampè a döt ci che sozed y ti jì adincuntra al Fi dl Om.



Usc d'la Cüra **BADIA**

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 53

Edema: 25.11. - 02.12.2012

FESTA de CRIST RE

Dal
scomènciamènt incà
sta frèm to trone,
eterna é túa
regnanza.

Dal Salm 93



FIN DL ANN LITURGICH „B“

FUNZIUNS SACRES

25.11. Festa de Crist Re - Dumënia de S.Zezilia

10.00 Mëssa ciantada en onur de Crist Re

15.00 Ora de adoraziun

18.00 †ta Maria Irsara de Pescol - aniversar
†ti Antonia y Hermann Nagler
por les families Costamoling y Moling

26.11. Lünesc - Mëssa cun i cresimanó y studënc

19.30 †ta Giustina y Mariangel Clement - aniversar
†to Pasquale Irsara - aniversar
vis y †ti dla fam. Maria y Lois Trebo

27.11. Mertesc

19.30 **Liturgia dla Parora**

28.11. Mercui – S.Berta

07.25 †ti de Maria Antonia Dapoz
†to Friedl Valentin
†ta Anna Pizzinini Irsara

29.11. Jöbia

Degüna S.Mëssa

30.11. Vëndres – S.Andrè Apostul

07.25 †to Romedio Irsara - aniversar
†ti Nane y Enrico Dapunt
por fam.Clara y Tone Anvidalfarei en ringraziamënt

01.12. Sabeda – S.Natalia

19.30 RORATE por la Uniun di Èi y di Stüdafüch

†ta Maria Agreiter Rungg – aniversar
†to Michele Crepaz
por fam. Iudit y Carlo Bernardi en ringraziamënt

02.12. I. DUMËNIA de ADVËNT / Ann C

10.00 Mëssa por la Comunité (*fešta di ministranc*)

19.30 RORATE por l'Cunsëi de Cüra

†ta Marianna Vittur - aniversar
†to Pire Valentini
†ta Nicole Vittur y por süa familia




Dala VITA dla CÜRA

Festa de Santa Zezilia – Patrona dla Musica sacra

*Ci foss pa nostes festes zënza l'bel ciantè y sonè dl cor de dljia y i atri cors y la musiga che cianta y sona y fej sinti de beles Mësses. Nos dla Cöra **rengraziun** dër dër i **ciantadus y musicontri** y l'**organist** de chësc so gran y bun sorvisc. Chëlbeldî s'l paies!*

Siur Degan



En sabeda, ai 24.11.2012 à ciafè l'**Sacramënt dl Bato** les jomelines **Federica y Francesca** de Egon Ploner y Silvia Irsara. Ales piceres, che tolun sö cun ligrëza te nosta comunité cristiana, y a süa familia aodanzas da pert de nos düc.

Comuniun ai amarà: ala ti vëgn portada bele chësc vëndres, ai 30.11.2012 dales 10:00 inant.

Preparaziun ala Prüma S.Comuniun: en mertesc, ai 27.11.2012 sarâl dales 20:00 te scola elementara de Badia na incuntada cun i geniturs di mituns che va d'aisciüda ala Prüma Comuniun.



En jobia, ai 29.11.2012 se abina indò l'grup de oraziun "**Umes präia deboriada**" dales 20:00 te dljia. Dütes les umes, lâs y ëles che sënt de orëi daidè valgügn cun l'oraziun é dër bel inviades a tó pert.

Legio Mariae: en jöbia, ai 29.11.2012 tègn chësc grup indò süa oraziun dales 14:00 ales 15:00 te capela de calonia. Düc é invià.

Esposiziun "Vire la Bibia": cun chësc inom éle dai 26.11. ai 06.12.2012 tl Istitut "Micurà de Rù" a S. Martin na esposiziun dl Sorvisc ai Jogn Val Badia che sarà daverta: mertesc y jöbia dales 16:00 ales 19:00. L'entrada é de 3,00 Euro y chësc é l'program de cornisc:
Lünesc, 26.11. dales 20:00 Daurida cun l'referat de siur Pire Irsara:
"La tlé da daurì la Bibia".

Mercui, 28.11. dales 20:00 Sëra cun siur Degan Iaco Willeit

Lünesc, 03.12. dales 20:00 Diashow cun siur Paul Campej sura la Tera Santa

Mercui, 05.12. dales 20:00 Referat cun siur Sepl Granruaz: "*É nosta religiun la dërta?*"